



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

15 փետրվարի 2017 թվականի №37Ա
ք.Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2014 ԹՎԱԿԱՆԻ ԱՊՐԻԼԻ 16-Ի №88Ա
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

Հաշվի առնելով, որ՝

ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2014 թվականի ապրիլի 16-ի «Ամբերդ ՀԷԿ-3» փոքր հիդրոէլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» №88Ա որոշմամբ (այսուհետ՝ Որոշում) «ԱՄԲԵՐԴ ՀԷԿ» սահմանափակ պատասխանատվությամբ ընկերությանը (այսուհետ՝ Ընկերություն) տրամադրված «Ամբերդ ՀԷԿ-3» փոքր հիդրոէլեկտրակայանում (այսուհետ՝ Կայան) էլեկտրական էներգիայի (հզորության) արտադրության ԼԷ №0538 լիցենզիայի (այսուհետ՝ Լիցենզիա) գործողության ժամկետը մինչև 2030 թվականի ապրիլի 20-ն է, որից կառուցման ժամանակահատված՝ մինչև 2017 թվականի փետրվարի 20-ը,

բ) Ընկերությունը սույն թվականի հունվարի 27-ին դիմել է Հանձնաժողով՝ Լիցենզիայով ամրագրված կառուցման ժամանակահատվածը տասն ամսով երկարաձգելու հայտով,

գ) Ընկերությունը սույն թվականի փետրվարի 13-ի գրությամբ դիմել է Հանձնաժողով՝ նշելով, որ առկա են Կայանի շենքի և գլխամասային հանգույցի զբաղեցրած մակերեսի չափով հողամասերի նպատակային նշանակության փոփոխության և գրանցման հետ կապված խնդիրներ, և հաշվի առնելով Ընկերության ֆինանսական ծանր վիճակն ու վարկերով ծանրաբեռնվածությունը՝ խնդրել է այդ փաստաթղթերի ներկայացման ժամկետ սահմանել մինչև 2017 թվականի մարտի 5-ը,

դ) Հանձնաժողովի 2013 թվականի նոյեմբերի 1-ի №374Ն որոշմամբ հաստատված՝ էներգետիկայի բնագավառում գործունեության լիցենզավորման կարգի (այսուհետ՝ Կարգ)

28-րդ կետի համաձայն՝ Ընկերությունը պարտավոր է կատարել կարգաբերման-գործարկման աշխատանքներ և Կարգով նախատեսված փաստաթղթերը Հանձնաժողով ներկայացնել մինչև լիցենզիայով սահմանված կառուցման ժամանակահատվածի ավարտը,

ե) Լիցենզիայով ամրագրված կառուցման ժամանակահատվածի ավարտը մինչև 2017 թվականի փետրվարի 20-ն է, ուստի Ընկերությունը պարտավոր է Կարգի 28-րդ կետով սահմանված փաստաթղթերը՝ այդ թվում Կայանի և գլխամասային հանգույցի նկատմամբ իրավունքների պետական գրանցումը հավաստող փաստաթղթերի պատճենները հանձնաժողով ներկայացնել մինչև 2017 թվականի փետրվարի 20-ը կամ Կարգի համաձայն Լիցենզիայով ամրագրված կառուցման ժամանակահատվածը անհրաժեշտ է երկարաձգել, ինչի վերաբերյալ Ընկերությունը հայտ է ներկայացրել Հանձնաժողով,

և հիմք ընդունելով «Էներգետիկայի մասին» Հայաստանի Հանրապետության օրենքի 30-րդ, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասերը, Կարգը, Կարգի №3 հավելվածի՝ երաշխիքների ներկայացման կարգի 8-րդ կետի 1-ին ենթակետը՝ Հանձնաժողովը որոշում է.

1. Երկարաձգել №0538 լիցենզիայով ամրագրված կառուցման ժամանակահատվածը՝ Որոշման մեջ «մինչև 2017 թվականի փետրվարի 20-ը» բառերը փոխարինելով «մինչև 2017 թվականի դեկտեմբերի 20-ը» բառերով:
2. Ընկերությանը՝ №0538 լիցենզիայի պայմանները չկատարելու պատճառով «Ամբերդ ՀԷԿ-3» փոքր հիդրոէլեկտրակայանի կառուցման ժամանակահատվածը երկարաձգելու համար, սույն որոշումն ուժի մեջ մտնելու պահից՝
 - 1)մեկամսյա ժամկետում «Արդշինբանկ» փակ բաժնետիրական ընկերության 2015 թվականի հունիսի 16-ի №652-6027 գրությամբ Հանձնաժողով ներկայացված, 2016 թվականի հունիսի 3-ի №652-4622 գրությամբ գործողության ժամկետը երկարաձգված №ԲԵՆ15/77-01 բանկային երաշխիքի համաձայն երաշխավորված քսանչորս միլիոն հինգ հարյուր յոթանասունհինգ հազար դրամ գումարից տասներկու միլիոն երկու հարյուր ութսունյոթ հազար հինգ հարյուր դրամը 900005028130 հաշվեհամարով փոխանցել Հայաստանի Հանրապետության պետական բյուջե.
 - 2)քառասունհինգօրյա ժամկետում Հանձնաժողով ներկայացնել քսանչորս միլիոն հինգ հարյուր յոթանասունհինգ հազար դրամ գումարի նոր երաշխիք՝ մինչև 2018 թվականի փետրվարի 3-ը գործողության ժամկետով:

3. «ԱՄԲԵՐԴ ԶԷԿ» սահմանափակ պատասխանատվությամբ ընկերությանը՝
ընդունել ի գիտություն, որ իրավասու է սույն որոշումն ուժի մեջ մտնելու պահից
երկամսյա ժամկետում այն բողոքարկել Հանձնաժողով կամ Հայաստանի
Հանրապետության վարչական դատարան:

4. Սույն որոշումն ուժի մեջ է մտնում 2017 թվականի փետրվարի 20-ից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝



Ռ. ՆԱԶԱՐՅԱՆ

ք. Երևան
15 փետրվարի 2017թ.